

't Kerkje van Ellesdiek



Oecumenische bieëênkomst  
20 november 2016

Wì nì toe? Wì voe?

Uutleg bie de tēkenienge.

Bie het lied: ‘Gae maer op pad’ è ‘k deze keêr een tēkenienge ‘emikt. Je kan aollerlei wegen inslae, mè je oef nie allênig te gaen, je kom t’r toch wè. En soms mô je ‘edroge worre. Lit je mè leie deur d’n Eêuwigen.

Jopie Minnaard.

## Liturgie Ellesdiek 20 november 2016

Thema "Wî nî toe? Wî voe?"

Urgelmuziek (Ab Faase)  
Welkom (Fetsje Bouman)  
(me gae stae)  
Zienge: Psalm 122 vers 1 en 2

1. Van blieschap gae m'n art' te keêr  
a mènsen zegge: kom, me gae,  
wees blie, riest op en doe ons nae.  
Gae mee nî 't uus van oanzen Eêr!  
Jeruzalem, wir a 'k van ou -  
zò a je blienkt in 't licht, je bouw -  
nî joe toe loôpe oalle voeten.  
Vanuut de varte zie me joe,  
je foenkelt en je blienkt oans toe,  
zò zù me God in joe ontmoete.
2. De stammen bin op pad egae,  
ze stroôme toe van oalle kant.  
Jie bin d'r tuus, d'r voaderland.  
Pelgrims è j' oaltied an'edae.  
Jeruzalem, wir a 'k van 'ou -  
zò a je blienkt in 't licht, je bouw -  
me zulle in joe Gods Naem eêre.  
D'n troôn van David, God z'n knecht  
neffen de rechterstoel 'ezet,  
zò kan 't recht oal ten goede keêre.

Durpelgebed

(Koos Rentmeester)

v. Oanze ulpe is in de naem van God

**a. die a emel en aerde ‘emikt eit.**

v. Jie die a oans kent, Jie die a oans oart  
en weet wat a t’r in oans leeft,

**a. Jie die a oans ‘eschaepen eit nì Joe beeld,**

v. Jie die a oans leêrt mènsen voe mekare te  
winnen

**a. brieng an ‘t licht de mènsen die a me kunne  
weze.**

**Amen**

(me gae zitte)

Zang deur

Anja Kopmels

Lezieng

Onderwege (Corry Verburg)

Zienge

NLB 803 vers 1

1.

Uut ebben en uut ouwen  
trokt Abram wig uut Oer;  
ie gaet in groat vertrouwen  
van noe af in Gods spoor.  
Van noe af as een blinden,  
ziet um een doenker licht.  
Van noe af is ‘t een zienden,  
ienkel op God ‘ericht.

Lezieng

Genesis 12: 1 – 3

Zienge

Lied 803 vers 2 en 3

2.

Uut ebben en uut ouwen  
en ienkel op een woord  
volgt Abram vol vertrouwen  
Gods ongekende spoor.  
En aol die a geloôve -  
z' è Abraham z'n aerd:  
van bovenaf gebore  
en voe et licht bewaerd.

3.

Wien a om God te oaren  
wigtrokt van wieg' en graf,  
wor overnieuw gebore  
en stamt van Abram af:  
et volk van de profeten,  
naezaeten van 't verbond,  
wien a - op aerd 'ezete -  
Gods stemme oart en volgt.

Overdienkieng

Een stuitje stille weze

Zang deur

Anja Kopmels

Voorbeden

(Corrie de Baar)  
mie acclamasie

Musical score for the hymn 'Wees 'e-zee-gend'. The score is written in treble clef with a key signature of one flat (B-flat) and a 3/4 time signature. It consists of three staves of music. The first staff begins with a treble clef, a B-flat key signature, and a 3/4 time signature. Above the first staff are the chords F, C, F, C, and F. The lyrics are: 'Wees 'e - zee - gend,'. The second staff continues the melody with the lyrics: 'op pad en on - der - weg,'. The third staff concludes the phrase with the lyrics: 'wees 'e - zee - gend.' The music features a mix of quarter and eighth notes, with some notes beamed together. There are fermatas over the final notes of each line.

Oanze Vaoder

Oanze Vaoder in den emel  
lit joe naem vereêrd worre,  
lit joe koninkriek komme  
lit wat a jie wil gebeure,  
op aerde, net as in den emel.  
Geef oans vandaege 't broad dat a me noadig è,  
en vergeef oans oanze schuld,  
net as oans ok an are mènsen d'r schuld vergeve.  
En stel oans nie op de proef,  
mè ouw aol 't slechte van oans wig.  
Wan joe koninkriek,  
en de kracht en de pracht,  
is eêwig voe eêwig.  
Amen.

Zang deur

Anja

Collectes

D'n eêsten is voe Amecet en de twidden voe de onkosten van de bieëênkomst. In oktober was de opbriengst voe Amecet 96,80 euro en voe de onkosten 79,05 euro

(me gae stae)

Vredeswens  
Zegen

Zienge

Zingenderwijs lied 49  
Vers 1 Anja

*Gae maer op pad nae dien tied die a vrede za  
brienge  
Mie zielsverwanten mò julder je'n eigen omrienge.  
'Ou oaltied moed –  
blieschap en licht, werme gloed  
gae schien' in groatere kriengen.*

Aollemile

Gae maer op pad om van wat a je kreeg uut te deêlen.  
Wien a 'ebroke was, wor zò een klein bitje 'eêler.  
Ei mè gin noad –  
oans deêle saemen oans broad,  
je kun je'n arte op 'aele.

Gae maer op pad en deêl oalles wir a je van droôme.  
Zurg voe mekaar'en de blieschap za riekelijk stroôme.  
In 't nieuwe land  
dì stae Gods liefde 'eplant –  
d'r bloesem bleust van de blommen.

(me gae zitte)

Slotwoord

A je de bieënkunst nog een keêr wil oare gi dan ni  
[www.kerkje-ellesdiek](http://www.kerkje-ellesdiek) en klik op Oecumene.

## **Wat a t'r de kommende tied te doen is in 't Kerkje**

- |                                      |   |
|--------------------------------------|---|
| zondag 27 nov.<br>14.30 uur          | Piet Brakman. Een onmisbaer oôgtepunt in<br>het programma van 't Kerkje.<br>Toegang 8 euro  |
| zaterdag 3 dec.<br>13.30 – 16.00 uur | Open mirreg voe de tentoanstellege 'Zeêuws DNA'<br>van Scarlett Kwekkeboom  |
| zondag 11 dec.<br>14.30 uur          | Oecumenische bieënkunst mie een overdienkieng<br>deur Ko Joosse over het thema 'Wi kiek jie nì uut?'<br>en vocale en instrumentale medewerkieng van<br>Joke en Marieke Smallegange. |